

陝西懷遠縣志

第一冊

中華民國十七年十一月重印

陝西懷遠縣志

王穰題

叙

懷遠之有志也自蘇君燮堂始山川風土規模掬具然事屬草創率多簡畧且自蘇君至今將屆百年其中所當增益者正復不少此創之者所貴乎因之者之繼其後也何保如明府以名進士作宰斯邑有心於續增斯志也久之乃公餘之暇悉心纂編補其缺畧益其遺漏或附攷於後或新增於中燦然具備較之舊志炳蔚可觀豈非善於因者歟予因是有感矣懷遠僻處邊隅於明為堡屬榆林衛中路屢遭兵燹居民不靖至我朝承平日久中外一家自雍正九年始改為縣迄今居士著者計七百九十六村居伙盤者計四百七十九村戶口頗庶而民風醇朴於五屬為最厚非

懷遠縣志

卷一

一

聖天子德化之盛何以致此惜乎僻陋之壤其民貧而少文也是又在司牧者優游涵濡俾耕作之戶知所蓋藏佔畢之儒勤於講貫庶几富教之隆於斯邑見焉是則予之所厚望也夫道光二十二年壬寅歲孟春月  
賜進士出身

誥授朝議大夫知榆林府事前翰林院編修吏科給事中隨帶加二級愚弟李熙齡頓首拜撰

增修懷遠縣志序

懷遠素無志有之自邑宰蘇公始公蒞任在乾隆之三年維時設縣未久一切規為諸多未備公精意勤求凡諸政治之有益於國計民生者次第畢舉越十年而政成而邑之志亦成夫志者所以志地志人志事志言而昭示來茲者也使有邑而無志則凡邑中之宜志者久且湮沒而不傳懷邑受撥鄰封則志地難居民鮮少則志人難文獻無徵則志事志言尤難而蘇公則一一志之卷帙不繁瞭如指掌其間或敘或斷非才大心細不及此此可以徵其經濟即可以覘其學術矣道光戊戌勲承乏來斯取是編而閱之字跡漶漫因議重刊復就見聞所及與夫案牘之可稽者考核增入或參載於本門之中或附按於諸條之後非敢謂補其缺拾其

遺也特以蘇公創為是書當時慘淡經營神思殆勞且瘁矣若任其漫滅而不加修纂則作與不作等不且有負蘇公創始之美意乎勲之才識不逮蘇公遠甚而忝居後任竊比之願固不能自己也爰不揣鄙陋續纂成編後之同志者更能遍加訪採續記而增修之斯微特蘇公之幸抑亦懷邑之幸也夫

皆

道光二十二年歲次壬寅仲春知縣何炳勲書於懷陽官署之舞鴻堂

原叙

懷遠昔之屯衛雍正九年改縣屬榆林窮陬沙漠地瘠民貧莅茲土者非徒因陋就簡以奉行故事已也凡開闢草萊之始必有時日俱新之事城郭宮室衣冠文物人情心術所關勵翼振奮歲月經營熙熙蒸蒸夫豈俗吏粉飾太平可助長而呈效於旦夕哉今蘇君宰是邑有年矣宜其蒞任久而政有成也余奉

命來榆於屬吏進見採訪風俗地方民事殷殷致詢深欲得切心愛民始終不倦者庶幾無忝厥職適蘇君列所行之事輯之為誌以眎余余留玩三因綜其要詳其目以為一人之志千萬人之志也一日之志後人誦而懷懷而遠為傳之志也蘇君其真留心民瘼者歟懷遠之名其殆顧名而思義歟斯誌也政治之資亦國史

懷遠縣志

卷一

三

之徵謂作史之才即作史之才其亦可也况苟能靖共盡瘁大展所長以不負所學其與昔之循良卓然可紀者何多讓焉文詞之藻繪抑末焉已爾余於蘇君有厚望焉乾隆丁卯年穀旦

整飭陝西榆葭等處分巡道布政使司參議加二級紀錄八次禮

山五峯氏撰

原叙

邑宰荷養教之任值貧且陋之地為難貧陋而值荒微險僻華燹  
襍糝者為尤難盖礪确則墾闢無可施鄙僿則絃誦無由導况又  
自昔交馳侵突紛爭殘毀之餘思欲悅安強教之可易能乎懷遠  
係北地邊塞即漢代圖陰白土之區自唐築三受降城拓土且極  
套外則茲固中夏寧寓泊宋初為西夏攘據蹂躪殆無虛日至明  
代宣德以後套寇屢恣剽掠由是撫臣余子俊起東勝興築邊墻  
迤西南縣亘三千里攔截中外此懷之五堡所由立也今我  
朝混一寰海異域靡不祇屬邊外四十九部皆雨滋而雲覆之塞  
垣雖設民日嬉娛恬適噓濡浸潤於海涵地負之中即荒遠固將  
為樂土矣邑自雍正九年因衛改設而蘇君莅任撫宇獨十年於

懷遠縣志

卷一

四

茲民之瘠者哺之情者策之其椎魯眇識者牖迪獎勸之民既蔚  
然改觀凡當創肇修復日次第具舉而遂以其暇攷遺蹟閱山川  
詳土物表其孝秀貞懿之實俾人人知所慕向繼乃編而輯之則  
懷之新志粲乎文采可觀蘇君用心茲邑其勤且摯乎哉乾隆十  
年余長子治運

簡畀榆郡懷為榆屬數接蘇君為余言懷之政理聿為時望因得  
具悉嘉績余思因地制宜則懷之養教尤難以尤難者而果竭力  
盡誠其仰副

聖天子仁覆之化舉在是已蘇君為今時循吏無疑也爰書其畧  
弁諸簡端乾隆丁卯重九舊史氏吳江李重華

原叙

志者史之所從出也昔漢當焚棄之餘高帝入關酈侯收秦府圖籍得知天下戶口扼塞然後叔孫董賈諸人從而斧藻之漢代文治聿追成周豈非文獻之可徵乎余丁亥奉

命協鎮中路撫茲沙漠極目荒涼兼之民貧兵困饑饉洊臻私心惻念曰邊地之苦一至於此哉閱明年戊午蘇君來宰是邑復經己未庚申連年荒歉民益貧兵益困岌岌乎幾不可支幸為之宰者實心實政既恤民艱兼籌兵食請借請賑救急拯危招撫流亡多方接濟而且積粟建倉興學養士釐奸剔弊鋤莠育良閱三年而政成又閱三年而頌聲作於是簿書之暇問俗彌愜採風愈切而縣志觀成矣夫以荒涼之宇置新闢之區文獻無徵薦紳寥落

懷遠縣志

卷一

五

一讀斯志而考歲時伏臘稽禮俗貞淫推戶口之盛衰權國賦之盈縮舉凡冠婚喪祭之儉奢好尚忠孝節義之闡幽發微以迄山川名勝城市壇祠武庫倉庾沿革損益一一如繪圖而出灼若觀星以資政府之取攜而典則不遠以勸

國家之文獻足徵是書也可謂約而該簡而備矣余武夫也不知文惟日親蘇君之治行復獲讀蘇君之縣志洵所謂以經術飭吏道者歟今而後太史陳風懷邑雖草昧肇開者乎而文物典章已燦然有聞于世是役也以宰天下也可謹序

皆乾隆十有二年歲在丁卯初秋之吉

賜進士第延綏中協波羅等處副總兵官白山武爾敦撰

原叙

懷治昔之邊衛也時簡閱峙芻糧積習然矣一旦易戎馬而簿書之山川土田何以使釐然而不舛物序人風何以使臚列而不紊疆界封域桑麻學校何以使燎如指掌明若觀星是懷之志視他邑為倍急也惟是經始之際文獻闕如間有舊跡軼事亦復前無所徵後無所考官斯土者而欲條分縷析志今傳後不又戛戛乎難哉邑侯蘇公以嶺右名進士宰茲新設之區念土地之瘠礪撫人民之凋敝欲移易夫奮武之俗薰陶於揆文之化撫卹經畫休養生息者若而年櫛風沐雨型方訓俗者若而年未幾而治化成未幾而頌聲作爰出數年間之臨民出政目擊身親者筆之於書而縣志觀厥成焉讀其書圖譜之周詳也疆域之燦列也山川名

懷遠縣志

卷一

六

勝之暮布風俗氣候之按節也其侯之撫卹經畫者乎賦稅之釐定也徵收之便簡也樹藝種植之時宜物產市易之區別也其侯之休養生息者乎祀事城堡之建置人物選舉之詳悉也其侯之櫛風沐雨型方訓俗者乎然則侯之所以為志即侯之所以為治者乎侯之所以為治即侯之所以為學者乎循是治也以往而飲食之而教誨之而漸摩而仁壽之士譽髦而民徧德將鄒魯弦歌岐陽鍾鼓何多讓焉愚故不以懷之有志為懷喜而以懷之得侯為懷喜也亦不以制度文章為一時之懷喜而以人心風俗為千百世之懷喜也愚籍郟鳩去懷治雖千有餘里而耳食其德政者以之歲在丁卯仲兄元臣司訓是邑於置郵間又得讀侯之志益悉其學術治畧非近世補苴所可擬也爰不揣固陋而為之言非

敢云序也

乾隆丁卯仲秋上浣穀旦

賜同進士出身前翰林院庶吉士郟縣張元龍子飛氏頓首拜撰

原叙

志者記事之書抑亦政治之本也先王之政紀其山川辨其疆域程其土宜稽其俗尚肆其物采而後宜因宜革宜興宜除隨其時而通變之順其俗而化導之以救其失以防其漸以養以恬措則正施則行自臻上理焉懷遠新設郡縣向無舊志前為營衛雖有延綏鎮志又以僻處而不詳戊午春炤視事於斯詢其山川疆域則關梁形勝無足徵問其土俗民情則美惡剛柔無可辨稽其土田稅賦攷其土習文風則沿革盈縮無所憑興廢污隆無所據縱有體國經野振作董率之心惟有束手無措耳說者謂邊鄙為用武之地僅可刑威著績而難以詩書禮樂之治治之也庸詎知我國家聲教四訖無遠弗届一道同風之化豈以邊徼而或異况既

懷遠縣志

卷一

八

改營衛之戎馬而設縣尹之棊堂則

盛世之規模已為之頓易民間之耳目亦為之一新蒞茲土者正宜乘時潤色以宣上德以達下情多方生聚教訓以期躋於醇龐又胡可以武健逞也不獲已而訪鄉曲之逸事採耆老之遺聞併以耳目之所及者隨時隨事敬謹筆之於帙置之案頭原以為一身出政臨民準則豈敢云作志哉幸比年以来山川疆域之遠邇險易畫然矣土俗民情漸知從忠革薄矣土田稅賦由荒而闢自逋而清矣士習文風胥知崇實去浮勵廉隅而尚絃誦矣採風問俗者每以縣志未修少之以炤空疎無據又以一行作吏筆墨荒疎豈敢云作志哉爰述數年中採訪所獲編纂成篇以俟高明之潤色云爾

皆

乾隆十二年歲在丁卯仲秋中浣之吉知縣蘇其炤書於懷陽官署之無逸堂

懷遠縣志

卷一

九

懷遠縣志原例

一懷邑僻處沙漠文獻無徵是編止就目前聞見之關於吏治民風者載之間有採諸延鎮志者亦不嫌於襲 新志載輯一仍其舊有採自省志郡志者悉於本門增之

一凡志以傳信而不傳疑名宦無實行可據者不書人物湮沒無確傳者不書現存者輿論未定不書 新志名宦人物續有增入者皆採自明史通志郡志用補舊編所未備

一凡志書法有直記其事不參論說者有中間逐節直叙或首或尾另加評論者有逐節直叙間有一二條加以評論者是編獨每項輯成一篇而以議論行於記叙之中非好異而變例也總期卷帙不繁使覽者言之瞭然耳 新志凡今昔異制有應續

纂者各於每編內增入不敢變舊例也

一是編首先天文者以天險之不可升也歲時為天運之迭更氣候為人道之變遷故次之天有分星則地有分野故次地理城堡所以守疆圉建置為國事所關建置既定治民人者先其神故又次之是為第一卷由是而賦役而徵收而稅課急公以盡終事之義催科亦可寓撫字之仁又次之民先本務後逐末故次種植又次物產市集既富方穀而風俗之原鍾於名勝又次之是為第二卷官以長民師以睦俗人物於是乎出而選舉為鼓舞人材之典故次之爰記其事則安危興廢有所考兵以衛民也郵以傳命也至遼外蒙古又為內地民人耕種牛犢之所均不可廢故又次之是為第三卷凡二十四篇 按舊志山川

附於地理今續有採入故別為一門封圻為守土者所宜周知故增以疆域祠祀以事神寺觀實靈爽所憑故附於其下井里為保息所關治民尤不可畧故以鄉村次於祠祀歷任官師悉已按牘纂入其前明軍官及國朝差員無案可稽而碑碣鼎鐘有著其職名者俱以之補載名宦封錫恩蔭闡揚攸繫故於選舉後增之原卷凡三篇凡二十四新志編帙較多故分為四卷凡三十篇

懷遠縣志目錄

粵西鬱林蘇其炤燮堂氏撰次  
浙江山陰何丙勳保如氏重編

卷之一

圖譜

天文

歲時

氣候

地理

山川

疆域

城堡

附邊  
牆

建置

祠祀

附寺  
觀

鄉村

附橋  
梁

卷之二

賦役

徵收

稅課

種植

物產

市集

名勝

風俗

卷之三

懷遠縣志

卷一

榆林  
東順齋印

官師

卷之四

人物

選舉

名宦

封錫

恩蔭

紀事

兵制

郵驛

邊外

蒙古

懷遠縣志卷之一

圖譜

古書推步占驗皆以井鬼二宿為秦地分野懷之於秦不過百中之一而亦以二宿圖之其說似近於衍然不敢因其衍遂廢天文不志也但姑存之以備攷証若夫封邑之疆界里甲之坐落建置之沿革中外之形勝則顯而易見者詳其說僅得之懸擬披圖而稽瞭若觀星此又體國經野之所不可缺焉

按分星箕尾及山川水道邊口伙盤尤為

觀政者之所資不可以不志也故增繪之


懷遠縣志

卷一



二

林榆  
東順齋印

東井圖



與鬼圖




懷遠縣志

卷一

三

林榆  
東順齋印

尾箕圖














懷遠縣志


卷一

八

林榆  
東順齋印







懷遠堡口外




懷遠縣志

卷一

十一

林榆東順齋印

邊口圖







威武堡口外




懷遠縣志

卷一

十四

榆林東順齋印

牛渠伙盤圖



牛棋伙盤圖




懷遠縣志

卷一

十五

林榆  
東順齋印

清平堡口外



牛 犍 伙 盤 圖



天文

象緯之書太史掌之所以敬天勸民也周禮九州之地皆有分星  
晉天文志分野始角亢者以東方蒼龍為首也唐始女虛者以十  
二支子為首也迄明則始斗牛者以星紀為首也古言天者皆由  
斗牛以紀星故曰星紀是之取爾史記以東井輿鬼屬秦是己粵  
稽前後漢書所載漢元年十二月五星聚於東井客謂張耳曰東  
井秦地漢王入秦五星從歲星聚當以義取天下永初元年客星  
在東井是以羗反斷隴道漢遣鄧隲將左右羽林及諸郡兵征之  
永和六年彗星在奎一度甲申在東井遂歷輿鬼秦為羗所攻鈔  
天文家皆云井宿在秦蜀之交而輿鬼則全屬西蜀懷遠處秦之  
極邊其為井宿分野無與於輿鬼尤其明驗也

輿鬼全屬西蜀其說似誤

按晉書

懷遠縣志

卷一

十七

榆林東順齋印

天文志涼州入箕十度西河上郡北地入尾十度箕尾析木之次  
晉書地理志涼州金城郡榆中白土即今榆林亦涉晉時涼州邊  
界白土即今懷遠地故並繪尾箕

歲時

懷俗歲時惟以元旦長至為重其餘不過隨便應節耳正月元旦  
前一日門貼春聯各於門外砌一風爐自朔至望每夜燃石炭於  
中光輝如晝以為暖歲是日鷄鳴起以黃紙錢帛焚事天地祖禰  
及附近神廟以為祈年恭拜父母及親戚之尊長者拜必先進春  
酒以為祝歲放花炮以代爆竹驅邪黎明閭里交相拜節至十五  
日上元之辰街市徧張燈火花炮戲樂士女咸聚觀焉二月朔日  
諺云廟門開龍神起鄉民俱集龍神廟剖羊戲樂以祭用祈一年

之時雨三月清明前後三日士女俱出墓祭祭畢即於墓前互相招飲掛帛謂之掃墳四月八日為浴佛之辰有喪之家俱在各寺廟延僧道作佛事五月五日艾以文結成虎形懸於門上謂之艾虎驅邪浸葛蒲雄酒飲之以斷百病為長者餽角黍為少者送長命縷六月六日五更汲井華水貯器中作醬醋不敗日中晒衣裳裘毳可避蟲蛀七月七日婦女設供案瓜果於庭前拜祀織女穿針乞巧十四為盂蘭會各寺僧誦經拜懺度亡有喪者咸供齋焉八月十五日家家以香餅瓜果焚香拜月併以月餅餽送親朋九月九日煎花糕飲菊酒亦有登高放箏者十月寒衣節有喪服之家剪紙作衣糊紙為箱焚於門外燒側栢枝之有子者響如爆竹男婦舉哀以送亡者十一月長至日以花糝黍糕相饋鄉里交相拜

節如元旦禮十二月八日謂之臘八用米豆八種作粥名臘八剝兔腦和白麪為丸名臘八丸臨產催生最驗二十三夜以糖餅糖果祀竈神除夕士女老幼設席飲酒終夜不眠謂之守歲是夕夜半鷄犬不驚風霾不作黑霧不生群以為來年民安物阜之占

氣候

氣有寒暖候有遲早南北異宜而風雷電霜雪則因之而迥別蓋東生西殺南溫北寒此常理耳邇地仲秋已有霜氣至春暮而河冰尚未盡解其極熱者不過伏暑數旬而已然遇陰雨仍覺寒氣逼人與深秋無異是以有早穿皮祆午穿紗之謠也春夏之月每苦狂風刮地飛沙鎮日不息而居其地者習以為常是以地氣高燥所致耳至於雷乃太陽之氣升於雲中為陰氣所束陽氣厲火

陰氣屬水以水淬火與相激搏故發為震撼之聲以其陽氣是以春生秋滅北方寒有無雷之山南方熱有無日不雷之境故邊地雷少鳴鳴亦不甚震響若夏秋雷雨雲中帶紫黑惡色者雨中必有電董仲舒曰電陰脅陽也陰氣暴上雨則凝結成電邊人以雨電治狂病正醬味但無病吞之則疫亦見電之為物因邊地陰寒之氣太盛或升上遇驟蒸激而成電也如徐徐上薄則仍是雨耳然雨亦甚少從無連旬雨不遇二三日必晴此又風高土燥所致也秋九月以後則不雨而雪春三月方不雪而雨此則南北之寒暄異也邊人云邇年以來雨雖少而不缺寒雖多而不甚風雖狂而或作或止其亦氣 之或有轉移者乎

地理

懷地禹貢雍州之域本漢郡縣迄唐而晉而隋而宋旋復旋失至明洪武始定陝西築堡置屯衛官兵守禦東至榆林縣屬之常樂堡西抵清平凡十五營為中路今懷有其五曰響水波羅懷遠威武清平也響水乃漢圖陰地波懷威清四堡皆漢白土縣也 國朝初因明制仍設衛所雍正九年巡撫碩 題請改置郡縣以懷遠堡為縣城轄波響威清四堡北控大邊東連榆林西接靖邊南與綏德米脂安塞三州縣犬牙交錯迤北則有圖水自清平口外白城兒東流經縣治東北三十里之塞城梁出口合於夏河復合於無定河東南四十里有土門子即懷遠堡軍兵舊駐之地今荒廢距縣東二十里有三捷關迤東十里有柳溝河發源於米脂縣境流懷遠地北會無定河於大川口又距縣東六十里有芹河七

十里有黑龍墩河即黑峁墩河俱自口外流入南會於無定河無定河即蒙古所謂滉忽都河也距縣東南四十里有五龍山五十里有黑木頭川河發源於米脂地至響水堡合鮑家寺水北會無定河八十里有盤龍山為響水堡之屏障無定河至此則南流經魚河境與榆溪之水會焉縣西十里有鴛鴦池三十里有龍鳳山界於米脂地縣西七十里有海子溝發源於清平境水從百丈石峽懸流而下距縣西北一百三十里有烏龍口水從石竅出有石佛洞祈雨輒應為圓水入墻之地西南五十里有牛心山六十五里有赤木山俱在萬山之中峻險特出七十里有狄青原原上有二十里平陽之地宋狄青駐兵處有飲馬井有上下馬營有狄青河北流而會於圓水距縣南百二十里有小理河百五十里有大

理河俱南入綏德境會於黃河總之縣境皆高山峻嶺河流悉出其下雖遇大水而瀉注甚捷可以立待其涸惟水性多鹹地皆有鹹土性堅硬而間石磧為下下瘠薄之壤耳且乾燥而多浮沙遇風則飛沙潑面揚塵蔽目行路難之農人佈種之時以及田禾吐穗之候最以為患恐其種隨風沙而去苗為沙土所壓也然雨水頻仍土脉滋潤苗根茁壯則亦無妨夫以沙漠不毛之區山川荒遠幅幘濶絕地雖廣袤二三百里可耕之士百無一二人皆闢土穴以居數十里若比鄰惟以賃種口外夷地為養生之本而邇者稼穡田園咸知土物是愛洵哉

盛朝之德化無遠不屆也然而村落之蕭條居民之貧乏所耕之地皆崇山陡嶺以鋤代犢即豐年亦不過腹地之半稔一值歉收

胥成饑饉接濟之策誠不可不預籌於平日也

### 山川

**五龍山** 在縣東南四十里波羅堡南三十里山上有樓臺殿閣建於唐代 按通志五一作烏非是

**馬鞍山** 在縣東南鎮志在土門北五里

**盤龍山** 在縣東南八十里山橫江怪石盤繞無定河邊下有石佛洞上有盤龍寺建於明季為響水堡之屏障

**龍鳳山** 在縣西三十里上有古寺森然高出雲表半山界米脂地

**牛心山** 在縣西五十里鎮志在威武關東十餘里

**赤木山** 在縣西南六十五里鎮志在牛心山西

**橫山** 在縣西南即古橋山接安定縣界宋元豐中种諤上言橫山延袤千里多馬宜稼且有鹽鐵之利其城壘控險足以守禦即此按橫山在大理河之西南自冷窰則

清涼山與凝苔梁之草梁山相連直接寧夏諸山橫亘千餘里今土人稱為小南山又按漢書地理志上郡陽周縣橋山在南有黃帝塚通志陽周故城在安定縣北九十里今安定縣八十里有高柏山即橋山是橫山特因接壤而有橋山之名也

### 懷遠縣志

卷一

二十一

榆林東順齋印

### 烏龍洞

在縣西南一百四十餘里在清平堡正南山十餘里距柴家河村三里許谷口瀑布飛下約有七八丈仙雲繚繞稱奇觀焉由此境至柴家河村又閱二里許則為烏龍洞洞在山半壁中第一洞口高四尺寬三尺洞中寬丈餘水從洞出勢如瀑布流入小河第二洞口被墜石橫塞據舊碑兩洞之水龍神司其一水母司其一俗云洞通寧夏府天旱禱雨輒應取水者或入三五洞或深入十七洞土人言之鑿鑿與烏龍口異

### 烏龍口

在清平堡西北二十餘里山連邊墻水從石竅出味甘而冽元季鄉人于洞中鑿石佛以主此泉之祀禱雨輒應

### 仙橋寺山

在石灣鎮之西北石崖中距縣一百六十里上有高山峻嶺下有理水交橋下右旁有古寺不知建自何年

### 九龍山

在大理河南距縣一百七十餘里下為劉家新庄山極高大週圍有小山九坐勢如九龍盤旋東西南清澗潑洄北面大河繚繞山巔有古寺祀龍神禱雨輒應今為稱為九龍神山

### 大墩梁

在縣西南一百五十里距大理河北岸十餘里山極高大萬嶺莫及山巔有土墩一座亦極高大人登其上望百里岡嶺皆平凹今稱為大墩梁山

### 香爐山

名墩兒梁一名小墩兒梁在威武堡東南二十五里

### 老虎塢

在縣西南一百里上有魯將軍墓碑

箭杆嶺 一名箭杆梁山在清平堡南二十五里

火石山 在清平堡西南七十里大理河北西去白落城十五里

黑木頭溝河 在縣東南五十里源出米脂地流威武堡之鄧家塢王家塢逕縣境五龍山至鮑家寺出韭菜溝合於無定河 水經注交蘭水出龜茲交蘭谷

東南流注奢延水 鎮志黑木頭溝鮑家寺水在波羅堡東注混忽都河 按通志疑即交蘭水

大理河 在縣西南百五十里自清平堡南東流合小理河逕縣境一百里入綏德州界

小理河 在縣西南百二十里源出清平堡東老虎塢東流至巡檢司溝合於大理河逕縣境六十里

石窯川 打狼河 石窯川即黑水又名烏水在縣北晉書載紀赫連勃勃於黑水之南營都城水經注黑水出奢延縣黑澗東南歷沙陵注

奢延水元和志烏水出朔方縣烏澗本名黑水避周太祖諱改名縣 石窯川在威武堡北塞外東南流逕懷遠堡為亂窯川河又有打狼河自塞外南流逕懷遠堡東入焉又東南逕波羅堡入混忽都河 按石窯川打狼河俱自遼外流入

無定河 圖水 無定河即生水一名朔水一名奢延水俗名混忽都河縣在懷遠縣北晉書載紀赫連勃勃於朔方城北黑水之南營都城水經注奢延水西出奢延縣西南亦沙阜山海經所謂生水出孟山者也俗謂之奢延水又謂之朔水東北流逕其縣故城南又東北與溫泉合又東黑水入焉

懷遠縣志

卷一

二十二

榆林東順齋印

又東合交蘭水又東北流與鏡波水合元和志朔方縣無定河一名奢延水源出縣南百步鎮志混忽都河出龍州堡南宜家畔合城北烏龍洞泉及城西水東流四十里清平水北注之又東柳泉兒水北注之又東狄青原水北注之又遇響鈴塔威武堡暗門水出其東又海棠河及東西二河俱出鎮靖堡塞外東流注之又東逕懷遠堡苦水川合圖水會之為無定河至波羅堡北折而南流黑木頭溝水鮑家寺水東注之又遇響水堡東入榆林界其圖水出清平堡外白城兒東流合夏河兒入波羅堡與混忽都河會延綏志 按奢延故城在懷遠縣西北唐朔方故城在懷遠縣北又通志云圖水據水經注在舊圖陰縣南入河不入奢延水而唐志則云銀州東北無定河即圖水疑亦即指此水附以存考通志

無定河奢延圖水攷 無定河圖水其源則異其流則合各志俱

未確鎮志以無定河源出龍州則是以下所注入之水皆入圖水非入無定河並誤今考正分詳本條水注至奢延水尤多異論元和志以無定河為奢延水古今相傳皆同此說不容遽更他如唐志謂銀州東北無定河即圖水輿地廣記亦謂無定河即圖水明一統志無定河一名奢延水又名圖水綏德志以圖水為奢延水

恐誤惟清澗志以圖水與奢延水異源同流未合時二水名不得混合流以後無定河可名圖水亦可名奢延水其說甚通今從之彼唐志諸說皆就其流而言亦無容遽疑也通志以圖水不入奢

延水係臆說未確

榆郡太守李耘渠先生著

柳溝河

縣志在縣東發源於米脂縣界流入懷界十里會無定河於大川口

鴛鴦池

在縣西十里清波澄澈兩股連環故名

海子溝

子一作則在縣西七十里威武堡地發源於清平境水從百丈石峽懸流而下北注圖水

陰陽泉

在縣西北三里海則溝即海子溝兩崖對聳崖下出泉一派脈其水半清半濁絕不相混流出尺許即合為一色土人名之曰陰陽泉近為河水冲刷沙崖覆壓

### 疆域

縣治在府西一百六十里東至華家梁榆林縣界一百里西至三道河溝靖邊縣界九十五里南至西川中川米脂縣界一百五十

懷遠縣志

卷一

二十二

榆林東順齋印

里下川綏德州界一百三十里上川安定縣界九十里北至邊牆二十里東南至馬湖峪米脂縣界一百八十里西南至卧牛城安塞縣界一百七十里東北至官莊灘榆林縣界一百二十里西北至石渡口靖邊縣界一百三十里距省一千四百二十里東至榆林縣治一百六十里西至靖邊縣治二百一十里東南由響水堡至米脂縣治二百一十里

### 城堡

邊牆附

懷遠本衛所營砦也而改設縣焉北繞圖水三面環山遠而望之則陴圍山麓及登其地則又在山之巔因其波響威清四堡適中故以為縣治取其便民也城基本白家梁庄天順中築堡撤土門堡軍兵守之隆慶六年加高萬曆六年砌排牆堞口所屬城堡十

有一東七十里有平燹堡東南四十里有土門堡西南八十里有大兔鶻堡又一百六十里有圓州關關東五里許設巡檢司西一百五十里有白落城即白狼城又名白羅城俱傾廢日久基址僅存其現在軍兵移守備貯倉糧者則波羅響水威武清平也波羅堡明正統十年為巡撫馬恭置萬曆年間重修響水堡則漢圖陰舊營也正統初巡撫郭置八年移守平燹堡九年巡撫余子俊撤平燹堡軍兵仍守響水城萬曆六七年重修威武堡明成化五年巡撫王銳置撤大兔鶻堡軍守之隆慶六年加高萬曆六年磚砌牌墻堞口清平堡明成化初巡撫王銳置撤白落城兵守之隆慶六年加高萬曆六年磚砌牌墻堞口俱設在高阜山原之土似乎踞險可恃然而卑隘不完井泉難及且自明迄今百有餘載不

懷遠縣志

卷一

二十四

榆林東順齋印

特牌墻堞口傾圮無存其城身亦大半倒塌雖每堡額設軍官守兵數十名而除守汎守邊之外僅存數兵而已其何恃以無恐至清平之西北城更為風沙壅沒埋壓無蹤雖不時刮運沙土然旋刮旋壅抑亦人力之不敵風力也邊垣則東自響水境與榆林縣之保寧堡界西至清平境與靖邊縣之龍州堡界綿亘二百六十餘里墩臺一百三十餘座邊口一十七處或為山水冲塌或為風沙堆壓竟若坦途總無足恃所恃者

國朝德化覃敷駸乎中外一家之盛抑亦在德而不在險歟

建置  
歷代沿革表

本朝	三代	秦	兩漢 <small>附蜀</small>	魏	晉北 <small>周魏</small>	隋
----	----	---	-------------------------	---	-------------------------	---

<p>懷遠縣</p> <p>本中路懷遠波羅响水威武清平五堡屬榆林衛雍正九年併五堡置懷遠縣屬榆林府</p>		<p>唐</p>	<p>懷遠縣志</p> <p>德靜縣</p> <p>貞觀七年置北開州八年改化州十三年州廢屬夏州西夏廢</p>	<p>朔方縣</p> <p>貞觀二年改巖綠曰朔方仍為夏州治</p>
<p>春秋白翟地上郡地</p>		<p>五代</p>	<p>德靜縣</p> <p>屬夏州宋廢</p>	<p>朔方縣</p> <p>屬夏州宋時廢</p>
<p>上郡地</p>		<p>宋</p>	<p>西夏地</p>	<p>西夏地</p>
<p>奢延縣</p> <p>屬上郡</p>		<p>金</p>	<p>夏地</p>	
<p>晉赫連勃勃築統萬稱大夏北魏廢為統萬鎮尋升為夏州屬縣三</p>		<p>元</p>	<p>米脂地</p>	
<p>周置彌渾戎</p>	<p>巖綠縣</p> <p>後魏置為夏州治</p>	<p>明</p>	<p>天順中建懷遠堡正統初置波羅响水堡成化初置威武清平堡俱屬榆林衛為中路</p>	
<p>德靜縣</p> <p>隋改德靜鎮尋升為縣</p>	<p>巖綠縣</p> <p>朔方郡置</p>	<p>東順齋印</p>		

卷一  
二十五  
榆林  
東順齋印

建置

本明中路懷遠波羅響水威武清平五堡屬榆林道本朝因之雍正九年併五堡置懷遠縣屬榆林府釋名懷遠本明懷遠堡縣因堡名也通志

夏商

渠搜 河水自朔方東轉逕渠搜故城北禹貢之所云渠搜矣水經注

成湯北發渠搜通鑑外紀 渠搜在廢夏州北禹貢錐指 按渠搜在今懷遠縣

東北河套中通志

周

渠搜 周之成康北發渠搜漢書五帝本紀 按渠搜在今懷遠縣北河套中

通志

懷遠縣志

榆林東順齋印

漢

奢延 奢延水出奢延縣西南東北流逕其縣故城南王莽之奢

節也水經注 奢延故城在廢夏州西南禹貢錐指 按在今榆林府懷遠縣通志

後漢

奢延 段熲追羌出橋門戰於奢延澤即上郡奢延縣界鑑注 莽曰

奢節東漢復舊名後兵擾邑廢清澗縣志 按奢延縣在今懷遠縣界通志

魏晉

統萬城 赫連龍昇七年於奢延水之北黑水之南改築大城名

曰統萬城今夏州治也水經注 夏州晉為朔方郡晉亂後赫連勃勃建

都於此通典 按夏州在今榆林府懷遠縣界通志

朔方 姚興以勃勃為安北將軍五原公使鎮朔方十六國春秋 按朔方

在今懷遠縣北通志

後魏

巖綠 後魏化州郡領巖綠縣地形志 真君七年名為巖綠寰宇紀 朔

方縣後魏置巖綠縣元和志 按巖綠在今懷遠縣界通志

西魏

巖綠 宏化郡治巖綠縣隋書地理志 按隋書李徹傳徹朔方巖綠人宇

文護引為親信即此通志

北周

巖綠 後魏治巖綠縣貞觀二年改朔方元和志 按巖綠在今懷遠

縣界通志

隋 後魏置巖綠縣隋因之元和志 按巖綠在今懷遠縣界通志

懷遠縣志

卷一

二十七

榆林東順齋印

唐

朔方 隋巖綠縣貞觀二年改為朔方縣永徽五年分置寧朔縣

長安二年廢開元四年又置九年又廢還併入朔方舊唐書地理志 按朔方

在今榆林府懷遠縣通志

德靜 隋縣貞觀七年屬北開州八年改北開州為化州十三年

廢化州以縣屬夏州舊唐書地理志 德靜縣西南至州八十里元和志 按德靜

在今懷遠縣界通志

五代

夏州有職方攷 朔方 靜德 寧朔 按以上三縣皆仍唐舊

明

榆林衛 屬陝西都指揮使賈志 明初為榆林庄本綏德衛屯

所東勝失守始築榆林城成化間余子俊移綏德鎮於榆林壓置榆林衛分東中西三路為守響水波羅懷遠威武清平屬中路居十堡之伍焉邑建於雍正八年裁波羅州同威武巡檢以懷波響威清五營堡改置縣治其縣署乃巡按行臺舊宇也建自明萬曆年間百餘年來木石頽敝磚瓦傾欹迄置縣後蒞茲土者雖各有步小修葺又皆粉飾目前一經乾隆三年地震輒傾頽殆盡乾隆九年前任蘇始興土木建修內院自寢室以及前廊左廊右廊中院自二堂以及屏門左右群房書房廚房外院自大堂以及儀門頭門照壁圍牆六房班房馬房重犯監雜犯監女犯監俱煥然一新嗣後內署坍塌歷任或葺或改僅蔽風雨而大堂頭門儀門敝漏不堪六房班房倒卸無存監亦將圯道光十八年夏初勲始蒞

任目覩惻然遂勉捐廉俸分年興修宅門以內及大堂頭門儀門照牆圍垣以次竣事六房班房從新建造東隅稍隘買廟地展之監則請帑修理於是衙署內外又燦然可觀矣縣署西緊連都司署今為千總署即明代所置指揮舊署東為儒學齋又東為典史衙俱乾隆八年建西北為新舊常平倉屯糧倉併新建社倉自東迤北為收捐俊秀倉蓋券磚成廡也縣屬之波羅堡內靠北為副將府今為叅將署西北為常平社倉東為屯糧倉舊有州同署以傾廢基址僅存響水堡內挨東城為都司署今為外委署東北為常社屯倉威武堡中城有指揮署後改設經制把總駐劄今裁署傾廢又有巡檢衙亦傾廢城東有常社屯倉清平堡城西北有叅將府後改為守備署今改為外委署常社屯倉俱新建於城東夫

官署公廨之地也倉廩積貯所關也官其地者誠無樂於因循不憚於改作其庶乎不以傳舍視郡縣矣

祠祀 附寺觀

邊俗崇佛城鄉廟宇如林不無名勝之地自殘亂之後率成蔓草荒烟間有存者又皆頽垣傾宇如循其跡而修葺之頗有可觀茲惟於祀典所關者誌之

文廟乾隆十年乙丑創建於東城內

大成殿五楹 東西兩廡各五楹 櫺星門三楹 左為名宦祠

右為鄉賢祠各三楹 黌門石坊一座東為 禮門西為 義路各一楹

啟聖祠三楹 尊經閣一座 明倫堂三楹 大門一楹 泮池

懷遠縣志

卷一

二十九

榆林東順齋印

垣墻畢具道光二十一年儒學李本中捐修傍西建 懷陽書院

繼名懷遠書院復名圓陰書院道光二十一年更名巖綠書院

正房三楹 講堂三楹 大門三楹 東西書齋各九楹北置

射圃一所建 尚德亭三楹 今倒塌無存

武廟在城南門外山原之上砌石臺為基址

正殿三楹 後殿三楹 拜殿三楹 樂樓一楹 中門一楹

鐘鼓樓各一座建於明代乾隆十年重修又波羅堡內響水堡西門外以及縣東二十里三捷關各有大廟丹楹棟桷備極華美

三捷關

關帝廟相傳明叅政陳長祚三大捷套人之後所建廟前有石閣塑騎馬 神像天啟三年都督同知杜文煥清平叅將趙大元副

總兵杜宏域守備懷遠都指揮使趙濟美建見樓額成化中套人  
入寇大將禦之兵迷失道忽見神從空中降大呼隨我来兵遂  
出險神至此不見因立廟祀之俗名鬼門關康熙中大將軍西  
征過問名所自土人言此處賊盜多往往傷人故名將軍為捕治  
地方遂安

乾隆十九  
年碑記

城隍廟懷治五堡各有舊廟然不過落落數楹而已今仍舊祀之  
乾隆九年道光十五年重修縣城廟宇正殿三楹後殿三楹  
東西供饌所各一楹山神祠土地祠各一楹六曹東西  
各三楹禪房東西各三楹大門一楹傍有古榆一株天將雨身  
有潮氣農人以時占歲焉  
社稷壇在城南一里許山原之上周以墻垣關四通之門中以磚

石砌築為壇高三尺方四丈嘉慶十七年朱椿齡詳修道光二十  
一年何丙勳捐修

山川壇在城北門外半里許規制與南壇同嘉慶十七年朱椿齡  
詳修道光二十一年何丙勳捐修

雩壇在西城廓外二里許黑龍王廟傍乾隆十年置歲若少雨輒  
以時禱祀焉嘉慶十七年朱椿齡詳修

風雲雷雨壇在城南里許道光二十一年何丙勳捐修

厲壇城東門外築土為壇植以封樹歲清明重九寒食迎城隍神  
像致祭於其中嘉慶十七年前任朱椿齡詳修

先農壇在波羅東四里許今在縣城東何年移建無卷可查雍正  
九年置正殿三楹東西兩廡各一楹嘉慶十七年前任朱椿齡詳

修道光二十一年何丙勲捐修

文昌廟在西城之上

朱衣閣在東城外高山之上

馬王廟在東北城隅

真武廟即祖師廟在縣署東

玉皇閣在中城

龍王廟在西城外西關口高阜之上繞以清水石溝建於明季乾隆九年嘉慶道光年間歷經重修懷屬五堡各有龍神廟惟響水堡西門外白龍王廟山水秀麗古木森然更為幽雅殿前古榆雙峙傍根二竅一俯一仰霖雨將至必有津液溢出農人以為雌雄樹卜雨不爽

懷遠縣志

卷一

三十一

榆林東順齋印

劉猛將軍廟在南城外南山大寺左道光十七年建

節孝祠向在波羅堡內乾隆十一年移建於縣城東北隅

三官閣在北城上明正統年建

東大佛寺又名東庵在城東明萬歷年建

西大佛寺又名西庵在城西明萬歷年建

觀音寺又名大陽明正統年建南山外南

瓦窰寺在蘆溝西今廢

大昭慶寺在孫家石灣東五里石人坪寨子山寺建何年不可考有前明南京禮部侍郎董越撰文多殘缺寺有石人半已剝落坪為前明市集處

國朝始移集石灣鎮

紅門寺在威武堡南二里許有響鈴塔元泰定間建時有白鶴巢其上

仙橋寺在孫家石灣

接引寺 在波羅堡西寺依崖溝有石洞卧佛上又有石足跡一一顯一晦俗傳佛入東土返西天之所石已墜其跡尚存復有一跡在響鈴塔耆舊傳之為靈異也

清泉寺 在波羅堡西號房梁向有溝泉清今已湮塞俗呼老佛寺住持釋子華和尚日禪誦其中萬歷年間坐化是日有人在靖邊遇華隻履西行甚急堡西南新寺溝建塔藏舍利焉

盤龍寺 在響水堡東門外中隔無定河遠望若踞河中石如龍盤故名上有佛殿建自明代乾隆年間重修

鄉村 附橋梁

懷遠堡 水鐸三名鄉約八名地方三名總甲一名牌頭四名通事一名

東鄉東門溝等二十四村

東南鄉小磁壑溝等三十七村

南鄉白家瓜等十五村

東北鄉李家瓜等十四村

懷遠縣志

卷一

三十二

榆林東順齋印

西鄉苦水溝等十四村

西北鄉馬家墩等十二村

西南鄉賈家大峁等十二村

北鄉口外沙券等一百三十一村

波羅堡 木鐸三名鄉約十一名地方四名總甲一名牌頭四名通事一名

東鄉高家溝等十四村

東南鄉馬家渠等十五村

南鄉蔡家溝等十二村

東北鄉大石碓等十五村

西鄉三捷關等十五村

西北鄉鴉兒畔等七村

西南鄉黑沙墩等七村

北鄉口外王連圪堵等九十六村

響水堡

木鐸三名鄉約十一名地方七名總甲一名牌頭四名通事一名

東鄉沐浴溝等二十二村

東南鄉劉家渠等九村

南鄉南塌兒等十六村

東北鄉席家灣等十四村

西鄉梁家溝等十二村

西北鄉黑河子等三十三村

西南鄉高文掌等三村

北鄉口外小灘兒等三十三村

懷遠縣志

卷一

三十三

榆林東順齋印

威武堡

木鐸三名鄉約十一名地方十三名總甲一名牌頭四名通事一名

東鄉王庇庄等十二村

東南鄉下窪溝等三十一村

南鄉大土坨等四十四村

東北鄉上余地溝等十五村

西鄉觀音塌等二十四村

西北鄉杖子峁等九村

西南鄉上窪溝等一百十七村

北鄉口外陽坨窪子等一百三十六村

清平堡

木鐸二名鄉約十一名地方十四名總甲一名牌頭二名通事一名

東鄉東門溝等二十村

東南鄉瓦窰渠等九十六村  
南鄉南門溝等十六村  
東北鄉西河口等十八村  
西鄉黃蒿梁等二十村  
西北鄉雙城兒等十九村  
西南鄉冷窰子等二十三村  
北鄉口外梁鬍子台等四十一村  
五堡各村大者五六十家小者六七家且有一家為村者口內設木鐸鄉約地方口外設牌頭總甲通事而地廣人稀村落星散有視二三十里為近鄰者顧此失彼往往不治於役然民俗淳良正無需多設以增民累也

橋梁

萬年橋 在縣城外

觀音橋 在孫家石灣

紫芳橋 在縣西三十里紫芳溝

西響水橋 在清平堡西北即烏龍口明吾文公所鑿石竇

柳家橋 在縣西南六十里

天生橋 在響水堡東明成化時有僧從下挖石穴三孔導無定河水從穴下注水勢澎湃甚為湍急行人便焉詳見名勝

